

Mekana ε Pɔl, Pε daa bot ε Ghaada Filip Eniel

Pɔl nakus zεεga ndjaa mendjaala ghaada Filip ε, é mɛɔjon mε ebá εgoola Mbεε Bhaadal. Ye é zεεga mendjaala mεken Pɔl nakus kɔ kyee dik Elɔp ε. Ghaada Filip é pε εko ε dik nε pε εɔjem ε dwoo ε kyee dik Ghelek, tɔ kyee dik Masedwan.

Mekana ε Pɔl pε daa ekeletyε ghaada Filip lyaal ε tɛtɛ εgwakel nyε di nε yε pak bε nε bot ε zεεga ndjaa mendjaala ε. E sok nyε nadi ekwyal mεkana tak ε, nyε nadi é é membok. Etɛp tak ε lyem'ε nadi ekpaa etεε náá, nyε nabe áábe nε ghwyil ekwyee bε. Pɔl εpekwyel εɔje bε mεghaaz, étɛp bε neepyet tɔ εdum ε kon ε lɔɔ nε Zεεb. Deenek, nyε εpeleε bε kwyl nyε di nε yε nε nɔɔ. Nyε εpebaabem ba kɔ εsu ε lɔɔ. Etεε náá, bεdhiiti bot εpegoola bhaadal mεkɔn étɛp bε neekεkɔk kɔ lɔɔ (1.15-17; 2.21; 3.2,18). Pɔl εpegek ekyyeed bot ε bε nε bε nɔɔ di egyee tɔ mεsa ɔ pε ghaada Filip. Nyε nagek deenek ε, étɛp bε neekεkwyee bot ε zεεga mendjaala, da bε é bula nε menduk mɔɔ (2.19-30). Pε yɔbɔ kyee, bot ε ghaada Filip naakyyeed mεtom pε daa Pɔl (4.10-20). Tɔ mεkana Pɔl nakyyeed pε daa bot ε Filip ε, nyε naaghaapεε bε. Nyε naadjε bε pe mɛlyo, étɛp bε neebela mεghaaz kɔ εsu εdum ε kon ε lɔɔ nε Zεεb.

Pɔl eeka é mis mε bot ε ghaada Filip etɛp di dum nε *tsik nε esyee ε Gheη Yezu ε* (2.6-11). Yezu naabet ekum nyε nadi nε yε pε daa Sεεg ε. Dum nε tɛp tak ε, Zεεb nadjε nyε di ekukuma kɔ bot djas nε kɔ esonok

djas. Ye é tyee wat ne dáa Pól nalum kon ne eboo bot ε nye nadi egu pe Yeluzalem ε (3.3-10). Deenek, nye naamyaal ezuk kó esu ε Yezu Klisto batakekum tó membok. Nye é ndjem étep edje tsik'ε met, kó esu ε edum kon ε le ne Yezu. Nye é ne ebwaalel náá, nye waagom dhiiti dwoo pak myon. Nye epelyo ne bot ε Filip náá, be du geka ye (3.17; 4.9).

Tó ekwyaala mekana me djas, Pól nadi emyaala ne sa edum ε kon ε le ne Zeeb di edje nye ε. Nye epedje meghaaz ne bot ε Filip náá, be *di tó memyaala*. Memyaala menek goka é ne edi tak ye nakoozodi tó metsak, ne tó mezuk, é ghen ekeletye di tó egwakel pak'oo ε, Ghen Yezu ε ne náo.

Meswosel

¹ Ye é mam Pól ne Timote ekwom e mesa ε Yezu Klisto. Bis kwyal mekana mak ε, étep bot ε ghaada Filip, ne bot di mos bot ε Zeeb kó esu ε Yezu Klisto o. Doo ne bot ε di edjeed zεεga ndjaa mendjaala o, zenáo eDhyakεε.

² Beta náá, Zeeb Seeg'ena ne Yezu Klisto Ghen'enaka sa bin enem ne embεε ne edje bin egwyem.

Pól epebulal bháo ne Zeeb

³ Me ne bulal bháo ne Zeeb é mewala djas me di etaala ne nen ε.

⁴ Me ne dyeebamyaala é mewala djas me di edjaala étep'en ε,

⁵ kó esu ε mekwyea me bi nakwyee me tó egoola Mbεε Bhaadal, kana dwoo bi nakan emyaal Zeeb ε kekum dwoo pan mos'ak.

⁶ Tin, mε é nε εbwaalel náá, Zεεb mot nakan mbεε mεsa mak pak'en ρ, nyε aatό nε ye, kesilal dwoo εbula ε Yezu Klisto.

⁷ Mε é nε gham εwa bin tό lyem'am. Etεε náá, biyό djas ε sama nε nam tό ekεε ee Zεεb nadjε mε ε. Nε tseetse, bi é sama nε nam ye nakoozodi, dáa mε di nenak é membok'ak nεghu é sok mε di elyaal nε bot náá, Mbεε Bhaadal mε di egoola ε ye é etseetse ε.

⁸ Zεεb é tyaases'am, mε nε kwyel biyό djas dáa Yezu Klisto di ekwyel bin ε.

⁹ Gwakeka sa mε di ewaab nε Zεεb tό mendjaala mam ε: ye é náá, bi di nε mεkwyela pak'en dhaa tyε. Da bi é di bot etiibal nε bot egu etεp enyόepe.

¹⁰ Deenek, bi needi nε ghwyil etiibal sa di enyόepe ε. Tin, bi aadi é ààβε nε edhuud, ààβε nε sa εbiyo wat dwoo Klisto aazyε é.

¹¹ Beta náá, bi di nε mεsa mε epiki e Zεεb di tό len εbuεpe kό εsu ε Yezu Klisto, étεp eduwal ε Zεεb, nε εdje nyε duma.

Mbεε Bhaadal εpegoolaa djala dik

¹² Bón nyεεg, mε kwyel ε bi gu náá, sa mε naboma nε ye é, ye naasa náá, Mbεε Bhaadal goolaa djala dik.

¹³ Deenek, esodja ee di ebaal ndjaa boo kukuma ρ nε bedhiiti bot djas nε kagu nenak náá, mε é é membok ε etεε náá, mε é mot-mεsa ε Klisto.

¹⁴ Dáa bεte bón nyεεg nabee mε é membok ε, bεte nε bot pak'ό naazεwa εbwaalel ε lό nε Gheη, bό batabela mεghaaz mε egoola Mbεε Bhaadal ε Zεεb ààβε nε bwoo.

¹⁵ Ye é tseetse náá, bedhiiti bot pak'ό εpegoola Mbεε Bhaadal ε Klisto nε mbee lyem. Etεε náá, bε

é ne mbee egeka ne nam. Tin, bedhiiti bɔn nyεεg goola Mbεε Bhaadal ε Klisto ε ne mbεε lyem.

¹⁶ Bot ε di egoola Mbεε Bhaadal ne mbεε lyem ɔ, bε goola ye ne kwyel djas. Etεε náá, bε ne gu náá, mεsa mam wak é elyaal ne bot náá, Mbεε Bhaadal me di goola ε, ye é tsεεtεε.

¹⁷ Tin, bedhiiti bot goola Mbεε Bhaadal ε Klisto ε ne mbee lyem. Ekwosak ε lɔɔ é epul, bε san ε náá, bε baabil mezuk mam tɔ membok.

¹⁸ Ye nakozoodi náá, egeka bɔɔ é enyɔpe neghu egeka bɔɔ àanyɔ, sa di enyɔ ε, ye é náá, Mbεε Bhaadal ε Klisto epegoolaa. Deenek, me é ne memyaala, me aazodidi é tɔ memyaala.

¹⁹ Etεε náá, me ne gu náá, etεp binek djas lyaal ε náá, Zεeb waatsik me kɔ εsu ε mendjaala men ne ghwyil ε Sisim ε Yezu Klisto di ekwyee me ε.

²⁰ Tin, me tok ne ghwyil edi ne sen dáa ye di náá, me é ne boo ebwaalel ε. Mos, me nakoozogwyε, me nakoozodi ne tsik, duma ε Klisto aadi é ne nam é edi djas me aadi é.

²¹ Etεε náá, ye é bε mam ɔɔ, Klisto é di tsik. E di'enek, esyee moo é mbεε sa.

²² Tin, ye bε náá, edi ne tsik εpesa náá me sa enem esa ɔɔ, é di'enek, me ààgu sa me aasée pak esyee ne tsik ε.

²³ Me moo é pak bεman, me εpekwyel ebet tsik me di ne ye'aak, étεp me needi sama ne Klisto. Deenek ε di enyɔpe ε.

²⁴ Tin, ye é enyɔpe kɔ εsu ε len náá, me zoodi ne tsik.

²⁵ Dáa me di ne ebwaalel ε tsik dáak ε, me ne gu náá, me aadidi é sama ne nen étεp me needje bin meghaaz me etɔ sok, ne edi ε tɔ memyaala tɔ edum ε

kon nε Zεeb.

²⁶ Etεε nάά, ε gheη me aabula zedi pak'en ε, bi aadi ε ne memyaala ko εsu ε sa Yezu Klisto aasa ne nam ε.

²⁷ Bi goka ε ne eke dάa Mbεε Bhaadal ε Klisto di elεε ε. Tin, me zyε zebee bin neghu me di aazyε o, ye nyo ε nάά, bi ε di ghin to sisim wat. Ye nyo ε nάά, bi ε di epyet ne lyem wat etep edum ε kon ne Zεeb ko εsu ε Mbεε Bhaadal.

²⁸ Sa bi aagwak bwoo ne bot ε mebhuka men. Ye aadi ε ndem di elyaal nάά, biyo, bi eezebela tsik, bo, be eezewo ze. Tin, etep binek djas dus ε pe daa Zεeb.

²⁹ Etεε nάά, Zεeb naadjε bin ghwyil esa mesa me Klisto. Tin nye naadjε bin mbεε bhwoob edum ε kon ne ne. Ye aapasik tin, nye naabaadjε bin ghwyil ezuk dάa nye nazuk ε.

³⁰ Mena epeduuka tuub wat. Bi ne gu enyoεpe nάά, ε gheη sok me nadi eduu tuub tak, nenak me baazoduu ε tuub tak wat. Mos, biyo ε kadi eduu tuub tak.

2

Klisto moo ε mot-mesa

¹ Egwakel ε len ne Klisto ne djε bin meghaaz e? Bi aabel a meghaaz to Kwyel ε Klisto? Bi ε to egwakel ne Sisim na Deε? Bi ε ne kwyel ne lyem ghoη ne bon beso bin e?

² Ye be deenek o, saka nάά, me di to memyaala ε bemεwala djas. Dika to egwakel pak'en. Betka nάά, elyem bin di ne esiiza wat, elyem bin di to esa djas bi di ekwyel esa ε.

³ Sa bi ààsa dhiiti sonok nε mbee lyem, sa bi ààsaa náá bot duwal min men. Tin, bi goka é nε édi tɔ mɛsila, beeka náá bɔn bɛsɔ bin eedhaa bin.

⁴ Deenek, sa mot ààzokwyεεg nyel'ε met, ye nyɔ ε náá, nyε baakwyεεg bɛdhiiti bot.

⁵ Dika nε mbεε mɛfulu dǎa Yezu Klisto nadi nε yε ε.

⁶ Nyεy mot di tyee wat nε Zεεb ɔ, nyε nabε é ààkwyel εben ε nyel kɔ εsu ε tak.

⁷ «Ààbε», nyεy εmet naabyen etεp djas nyε nadi nε yε ε, étεp édi kwom.

Nyε nakadi é mot pak bot.

Nyε nabyel ε mot nε nyel epuud dǎa bot djas.

⁸ Nyε naamyaał édi tɔ mɛsila.

Nyε naalyaal elooba ε lε kεkum dwoɔ εsyee, εsyee ε nyε nabemaa é mɛlaaba ε.

⁹ Dum nε tεp tak ε Zεεb naben nyε.

Nyε naadjε nyε di di edhaa édi djas ε, nε din di kɔ min djas ε.

¹⁰ Nyε nakwyel ε náá, bot djas tɔ gwoo, kɔ bɔs zεnɔɔ si bɔs, pyak mɛbɔŋ mɔɔ si sok bhwoob ε Yezu, étεp εduwal din ε lε.

¹¹ Nyε nakwyel εsa deenek ε, étεp bot djas neeke kɔ εsu ε duma Zεεb Sεεg náá:

«Ye é Yezu Klisto é di Ghεŋ!»

Kaska dǎa mengel kɔ εko ε bɔs

¹² Bɔn nyεεg bam, bi nadi elooba nε nam é sok mε nadi pak'en ε. E di'enek, dǎa mε kadi mos ààbε pak'en ε, gheeleloobaka nε nam dhaa dǎa bi naboozezyε nε esesa mam pak'en ε. Deenek, waka

zii tɔ mɛsa ɛtɛp ɛlyaal nɔ́á, bi ɛ nɛ tsik, da bi ɛlyaal nɔ́á, bi nɛ kaab Zɛɛb ɛbuɛpɛ.

¹³ Etɛɛ nɔ́á, Zɛɛb nyey ɛmet ɛ di edjɛ bin ghwyil, ɛtɛp bi neesa ɛkwosak ɛ lɛ dɔ́a nyɛ ɛmet di ekwyɛl ɛ.

¹⁴ Saka mɛsa djas, ààlɛka, ààwaya,

¹⁵ ɛtɛp bi needi ààliiaa nɛ yɛ ɛbiyɔɛpɛ, bi needi bot ɛ epiki. Bi needi bɔn Zɛɛb, ààɛ nɛ ndjɛ tɔ sama bɛmbɛɛ ɛ bot, bot ɛ ɛbiyo kɔ ɛko ɛ bɔs'ak. Deenek, bi goka ɛ nɛ ɛkas tɔ lɔɔ ɛ dɔ́a ekwyikwyen tɔ gwoo,

¹⁶ nɛ ɛgoola bɛ mɛkpa mɛ tsik. Deenek, mɛ ɛ nɛ ghwyil ɛmyaala nɛ nen dwoo Klisto aabula ɛ, etɛɛ nɔ́á, mɛsa mam nɛ mezuk mam nabɛ ɛ ààɛ e toto.

¹⁷ Yɛ kobɛ nɔ́á, ghiya yam eesee ɛtɛp ɛkala kɔ buwa bi di edjɛ nɛ Zɛɛb, ɛtɛp mɛsa mɛ ɛdum ɛ koŋ ɛ len nɛ nɛ ɔ. Yɛ sael deenek ɔɔ, mɛ aadi ɛ nɛ mɛmyaala, mɛ aasa nɔ́á menabelka djas di tɔ mɛmyaala.

¹⁸ Yɛ ɛ tyee wat nɛ biyɔ, bi goka ɛ nɛ ɛdi tɔ mɛmyaala, da bi ɛwa mɛ tɔ mɛmyaala men.

Pɔl ɛpelwom Timote bɛ nɛ Epafoolodhit pɛ daa bot ɛ Filip

¹⁹ Nɛ ɛbwaalel mɛ di nɛ yɛ nɛ Ghɛŋ Yezu ɛ. Mɛ bee ɛkɛɛ nɔ́á, mɛ moo aadhis Timote pɛ daa lin. Etɛɛ nɔ́á, ɛ sok nyɛ aadjɛ mɛ menduk min ɛ, mɛ aabela mɛghaaz.

²⁰ Yɛ ɛ nyey zodi ekɛm mɛ tɔ etɛp bam. Nyɛ ɛ di etaala nɛ nen nɛ tsɛtɛ tyee wat nɛ nam.

²¹ Etɛɛ nɔ́á, bɛdhiiti bot suu ɛ ɛkoobal etɛp bɔɔ met, ààkoobal yɛ Yezu Klisto.

²² Biyo bemet ne gu daa Timote nalyaal esosoob be, daa mon di ne seeg e. Nyε naazekwyee me to mesa me egoola Mbεεε Bhaadal.

²³ Me ε ne εbwaalel naa, me aadhis bin nwyak ε ε sok me aabee naa, etεp bam moo ε enyεpe e.

²⁴ Ko εsu ε Gheη, me ε ne εbwaalel naa, me moo aazyε zεbee bin.

²⁵ E di'enek, me bee ε naa, ye ε enyεpe naa, me bulal bin mon ε nyεεg'ena Epafloodhit. Nyε ε mot di egyee bis ne ne to mesa me Klisto o, mot bis ne ne di eduu to mesa me egoola Mbεε Bhaadal o, mot bi nadhis me nwyak εtεp nyε neezekwyee me to mesa me nadi esa e.

²⁶ Nyε nadi ε ne gwyes εbaabee biyo djas. Deenek, nyε naadyeebatuη ε sok nyε nagu naa, bi naagwak naa, nyε nadi ebe e.

²⁷ Nyε naadyeebabε, kunaa-kuna ne εsyee. Tin, Zεeb naagek nyε ghon, aakoobe ne nyεy nyε emet, ye ε doo ne mam, εtεp me needi aadi ne boo ghon to lyem.

²⁸ Dum ne tεp tak ε me di edhis bin nwyak ghaal-ghaal, εtεp bi neemyaala ε sok bi aaboma e. Etεp me needi aabaadi ne ghon to lyem.

²⁹ Deenek, myaalka nyε ne boo memyaala djas, daa mon ε nyεεg'en to edum ε kon ne Gheη. Bi goka ε ne edi ne lyem ne mbi binak bot,

³⁰ etεε naa, nyε nabe ε nyε naawaagwyε εtεp mesa ε Klisto. Nyε naaka nyel εtεp εzekwyee me to mesa me bi nadi aabe ne ghwyil εzekwyee me biyo bemet e.

3

Pɔl zowa εbwaalel ε lε ε ne Yezu

¹ Nenak, bɔn nyɛɛg bam dika nɛ mɛmyaala tɔ ɛgwakel ɛ len nɛ Ghɛŋ. Yɛ bɛ náá, mɛ ɛpebasal ɛlɛɛ bin sa mɛ nazekwyal ɔɔ, yɛ é étɛp ɛbaal ɛ bin.

² Dika ɛtsetaɛpe nɛ bot ɛ di esa ɛbiyo ɔ. Bot binɔk é bɛghil ɛ beka, bɛ bee beka ɛ dáa boo sonok!

³ Ghuna, yɛ é menabelka é di nɛ tɛtɛ beka, ɛtɛɛ náá, mena ɛpesaka mɛsa mɛ Zɛɛb tɔ Sisim yɛ. Menaka é nɛ mɛmyaala étɛp ɛdi ɛ sama nɛ Yezu Klisto. Mena áàwaka ɛbwaalel ɛ lena kɔ esa ee bot ɛ bɔs di esa ɛ.

⁴ Mam pe é nɛ ghwyil ɛ diig bet kɔ ɛsu ɛ embi bɛmɛsa mɛ bot ɛ bɔs di esa ɛ.

Mɛ aadi é nɛ boo gham ɛsa yɛ dhaa bɔɔ.

⁵ Mɛ naniigelaa beka ɛ, mɛlu mɛtɛn nɛ elɛl bhis ɛbyel ɛ lam. Mɛ é mot kyee dik Yisalaɛl, mot mbyak ɛ Bɛɛzame. Lii'am é ebhele, mɛ nabyel ɛ tɔ mɔ bot ɛ mbyak ebhele. Mɛ nadi eduwal etsi eYuda dáa tɛtɛ Falizye.

⁶ Mɛ nadi é nɛ zii dhaa tyɛ, é sok mɛ nadi etiig bot ɛ nadi edum kɔŋ nɛ Klisto ɔ. Dum nɛ tsik epiki nakwyalaa tɔ mɛkana mɛ etsi ɛ, mɛ nadi é áàbɛ nɛ ndjɛ.

⁷ Tin, sa mɛ nadi ebee náá yɛ é ɛnyɔɛpe nɛ nam ɛ, mɛ kabee yɛ mos ɛ é mis toto kɔ ɛsu ɛ Klisto.

⁸ Esa djas mɛ nazesa ɛ, mɛ kabee yɛ é mis mɛ toto, kɔ ɛsu ɛ sa di nɛ boo mɛtaŋ dhaa esonok djas ɛ. Sa tak é ɛgu ɛ Yezu Klisto Ghɛŋ'am. Dum nɛ nɛ, mɛ eezekat esa esonok djas. Etɛp ɛdi ɛ sama nɛ Klisto ɛ, mɛ kabee esonok binek djas ɛ dáa eput esonok di egoka nɛ ɛmwasaa kɔ ɛkwyiid ɛ.

⁹ Etɛp mɛ needi sama nɛ nɛ ɛnyɔɛpe, mɛ áàkakwyɛɛg nyel'am met. Mɛ tokapɛ mot epiki kɔ ɛsu eduwal etsi. Mɛ é mot epiki ɛtɛɛ náá, mɛ

εpedum konj ne Klisto mot di mot epiki ϝ. Mbi yenek epiki dus ε ne Zεεb. Nyε ε di esa náá, mot di piki kϝ εsu ε edum konj ne ne.

¹⁰ Sa djas me di ekwyel ε, ye ε náá, me gu Klisto ne mebwala me yii egom bhis εsyee, ne ezuk sama ne ne, ne ebaagwyε sama ne ne.

¹¹ Me ε ne εbwaalel náá, mam pe aagomlaa pak myonj.

Tεε mepek me εsum εkaab étep εbela efute

¹² Me ààpake náá, me eezebela efute me di esan ε, neghu me ε mot di egu etεp djas ϝ. Tin, me dinaa tϝ εsum ε kaab étep εbela efute, etεε náá, Yezu Klisto eezewa me tϝ ze ye.

¹³ «Ààβε» bon nyεεg, me ààbee náá, me eezebela efute tak. Tin, esok me di esa dhiiti sonok ε. Me kadjoak ε pe sok, ààkadjoak pe bhis konj'am. E di'enek, me dyeebasa meghaaz ε étep edu etεp di pe sok ε.

¹⁴ Deenek, me dyeebasum kaab ε étep me neebela efute ee Zεεb. Ye ε sa Zεεb nakwom me ε, ε sok nyε nadjoo me dum ne sa Yezu Klisto nasa kϝ εsu ε lam ε.

¹⁵ Menabelka djas bot dinaa mena eezepyetka tϝ edum ε konj ne Zεεb ϝ, mena goka ε ne εsiiza deenek. Tin, mena ààbaadika ne dhiiti egeka e sis ϝϝ, Zεεb ε waalyaal dáa mena di egoka ne esa ε.

¹⁶ Ye nakozoodi dáa, dhjoogheeduka ze Zεεb nalyaal mena ε, yii bot di boozezyε ne eduka dϝ ne mos ε.

¹⁷ Bon nyεεg, biyϝ djas duka mefulu mam. Deenek, bi goka ε ne edu mefulu me bot ε dinaa, be εpedu mefulu ee be nabaηa pe daa les ε.

¹⁸ Mε nε dyeebalεε bin ye ngwyis. Nenak yak, mε epebaabasal nε meηal é mis: Ye é nε mbula bot di ekake mos dáa bot ε swaka mezuk ε Klisto é melaaba.

¹⁹ Bε aaswaala ε, bε eezewo ze, etεε náá, zεεb ɔɔ é mɔ. E di'enek, bε nε myaala nε esa esyen bε di esa ε. Tɔ esimza bɔɔ, ye é esa e bɔs.

²⁰ Ye kabε menabelka ɔ, menaka é bɔn Zεεb. Dum nε tɛp tak ε, mena dika ebhwood Metsik bot'enaka, Ghεη Yezu Klisto.

²¹ Deenek, nyε waaswola mbee nyel ee bot dika nε ye'aak, étɛp ye neenɔηel nε nyel'ε di nε duma ε. Tin, nyε aasa ye ε nε ghwyil di sa náá, esonok djas looba nε nε ε.

4

Melyo nε metin

¹ Bɔn nyεεg bam, biyɔ bot ε mε di ekwyel ebaabee ɔ, biyɔ é di esa náá, bum lyem'am di tɔ mεmyaala, biyɔ é di kɔtɔ duu'am. Deenek, bɔn nyεεg bam, dika sosoob tɔ εgwakel nε Ghεη.

² Wɔy Evodhi nε Syntis, mε epedjaala nε nen, dika tɔ εgwakel pak'en sama nε Ghεη.

³ Dɔɔ nε wɔy, mot di sosoob tɔ esa mεsa lɔɔg wat nε nam ɔ, mε epewaab nε nɔ náá, wɔ kwyee boa ba binɔk. Etεε náá, bε naadyeebasa mεghaaz é ekwyee tɔ mεsa mε εgoola Mbεε Bhaadal. Ye é tyee wat nε Kelemɔ nε bedhiiti bot ε mεsa, yii min mɔɔ di tɔ mεkana mε tsik ε.

⁴ Dika tɔ mεmyaala e mεwala djas kɔ εsu εgwakel ε len nε Ghεη. Mε epebaabasal náá, dika nε mεmyaala.

⁵ Beta náá, bot bee enem esa bin, etee náá, ebula Ghen eezekuna.

⁶ Nábemka ba ne dhiiti sonok, ye nakoozodi dáa. Ye goka é náá, bi djaala, ne eduwal zenoo ebulal bhoo dum ne esonok djas bi di ewaab ne Zeeb e mewala djas e.

⁷ Beta náá, egwyem e Zeeb di edhaa etson djas e, baal elyem bin ne ebaal esimza bin to egwakel ne Yezu Klisto.

⁸ Deenek, ne bon nyeg bam, waka lyem to sa djas di enyo e, ne sa djas di egoka ne ekwyela e. Bi goka é ne ewa lyem to sa djas di tsetse e, sa di egoka ne duu e, sa djas di piki e, sa djas di dee e. Deenek, bi goka é ne ewa esiiza bin to esa djas di egoka ne eduwal neghu ewa lyem.

⁹ Waka, esa djas ee bi nadjek ne nam e, ne esa djas bi nagwak ne nam, zenoo esa djas bi nabee me esa e, waka ye to mesa. To etep binek djas, beta náá, Zeeb mot di ne egwyem o, di ne nen sama.

Polepeghaape bot e ghaada Filip

¹⁰ Me dyeebagwak memyaala ebupe ko esu e Ghen etee náá, bi eelyaal me lyaala sis kwyel bi di ne ye ne nam e. Me aapake deenek etee náá, bi aakataala me. Tin, ye é náá, bi nabe é aabela moo epeed ewala ee lyaal me kwyel tak.

¹¹ Tin, me aalii deenek etee náá, me é to esega. Bela náá, me naadjek dáa mot di egoka ne emyaala ne sa nye zodi ne ye e.

¹² Me ne gu dáa me di egoka ne edi to edjel neghu to meny e. Me naadjek mepek me edi to memyaala é mewala djas ye nakoozodi náá, me é ne za neghu me é ne djil. Ye nakoozodi náá, me é to mev u neghu to esega.

¹³ Tin, me é ne ghwyil esa esa binek djas etee náá, Klisto epedje me ghwyil.

¹⁴ Deenek, bi naasa enyoepe é sok bi nadi egek me ghon ko esu e mezuk mam e.

¹⁵ Biyo bot e ghaada Filip, bi ne gu biyo bemet náá, é ghej me nadus ko ghaada Masedwan e, é sok me nakan egoola Mbée Bhaadal e, bi nabe é sim zeege ndjaa mendjaala me wat nakwyee me o.

¹⁶ E sok me nadi to ghaada Tesalonik e, ye nabe é bi naadhis me sa djas me nadi ne gwyes tak e.

¹⁷ Ye tok náá, me san e náá, bi gheedhis-dhis metom. Tin, me kwyel e náá, Zeeb sa bin enem ko esu e sa bi nadje me e.

¹⁸ Me naabela esa djas ee bi nadhis me e. Me tokape ne gwyes dhiiti sonok, etee náá, me naazebela ye é membo me Epafloodhit. Tin, esa ee bi dhis me e, ye é daa etom na mbée menuub, ye é buwa Zeeb di emyaala ye e, buwa nye di ekwyel e.

¹⁹ Zeeb'am e waadje bin esa djas ee bi aadi ne gwyes tak e, to duma mevum nye di ne ye, ko esu e egwakel e len ne Yezu Klisto.

²⁰ Beta náá, duma di ne Zeeb Seeg'es kom-kom sii ne kom! Amen.

Meswosel me mesik

²¹ Swoska bot djas e di edum kon ne Zeeb o ne din e Yezu Klisto. Bon nyeg bin, bot e bis ne be noo di o, be eswos bin.

²² Ekeletye djas eswos bin, dan-dan e bot é di esa mesa to ndjaa boo mekoozi Sezaad o.

²³ Beta náá, enem ne embée e Ghej Yezu Klisto ne Sisim Zeeb di ne biyo djas.

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbeee1-b255-555f-8c39-01878a3cad57